


# ДЬУЛУРҢАН



улуустан сонун

## Бөжө Тарабай күүрээннээх түһүлгэтигэр



Балабан ыйын 21 – 22 күннэригэр Чурапчыга, А.И. Федотов аатынан Спорт киинигэр аатырбыт хапсабайдыт Прокопий Титович Брызгаев — Бөжө Тарабай бириинигэр ороспүүбүлүктээби турнир 21-с тогүлүн ытылынна. 19 улуустан 80 бөжөс кытынна. Кинилэр ортолоругар биллиилээх хапсабайдыттар Прокопий Петров, Платон Саввинов, Александр Халыев, Аяал Павлов, уо.д.а. бааллар.

Прокопий Титович Брызгаев 1885 сыллаахха Чурапчы улуунун Мырылатыгар төрөөбүтэ. Бииргэ төрөөбүт үһүлэр — Өндөрөй, Ньыыхан, Борокуоппай. Бөжө Тарабай 185 см үрдүктээх, 125 кг ыйааһыннаах, отут сыл тустубут кэмигэр кыайтарбатах, охтор диэни билбэтэх бөжөс.

Дьон, норуот ордук Манньыаттаах Уолун түһүлгэтигэр уонна күөгэйэр күнүгэр сылдьар Дойо Уолунун тустуугун кэрэ кэпсээн оностоллор. Дойо Уола тустан тэннэнэн баран, Борокуоппайы сэннирдии тыллаһыт, соччо күүһэ суох киини аатырдаллар эбит диэн. Ону оха сааһырбыт бөжөс киини дьолун-соргутун харыстаан быраһпатабым диэн өһүргэнэр, иккиин тустарга сөбүлэнэр. Киирээт утаакы буолбакка, ытыһынан күүскэ анһан охторон түһэрбит.

Турниры үөрүүлээх аһыга Чурапчы улуунун баһылыгы бастакы солбуйааччы **Егор Сивцев**, СӨ хапсабайга федерациятын толорооччу дирижтэрэ **Анриан Захаров**, Бөжө Тарабай аймахтара **Ирина**

**Постникова, Мария Лебедева, Мария Хоюганова** кыттыны ыллылар.

Үөрүүлээх быһыыга-майгыга анал түөскэ анһылар бэлиэнэн хапсабайдыттар **Аяал Павлов, Виталий Корякин**, спортивнай комментатор **Александр Васильев** — Көрдүгэн наһарадаланньылар. Хапсабайга спорт маастарын дастабырыанһыта **Дьулустан Калачевка, Иван Кимгэ, Эртине Доланга** туттарылынна.

Күрэхтэһии кылаабынай судьуйатынан үтүөлээх тренер, Чурапчы улуунун Бочуоттаах гражданина Кирилл Захаров үлэлээтэ. Киниэхэ физическэй култуура уонна спорт сайдытыгар киллэрсит кылаатын иһин “Хатан” ХЭТ генеральнай дирижтэрэ Семен Собакин олохтообут 50 тыһ. солк. сертификата туттарылынна.

Икки күннээх хабыр хапсыһылар, көрөөччүлэри ууга-уокка түһэрбит сыты киирсилэр түмүктэригэр бастынарһынан буоллулар (эр дьонно): 57 кг Сергей Санников, 65 кг Дархан Игнатъев (иккиэн Чурапчы), 75 кг Иван

Семенов, 85 кг Айсен Поскачин (иккиэн Кэбээйи), Анатолий Сивцев (Чурапчы), Матвей Кычкин (Мэнэ Ханалас), 90 кг үөһэ Петр Соловьев, 95 кг Никита Софронов (иккиэн Чурапчы). Бэтэрээннэргэ 60 кг Иван Друзьянов (Чурапчы), 70 кг Александр Птицын (Мэнэ Ханалас), 80 кг Прокопий Петров (Ханалас), 90 кг Платон Саввинов (Үөһэ Бүлүү), 90-тан үөһэ кг Владимир Абрамов (Чурапчы).

Чемпионнар, бириистээх миэстэлээхтэр анал мэтээллэри кэттилэр, харчынан бириемийэлэннилэр. Аан Дархан аатын ылар иһин хапсыһыларга эр дьонно **Никита Софронов**, бэтэрээннэргэ **Прокопий Петров** кыайдылар. Кинилэргэ Соловьев нэһилиэгэ, улуус дьаһалтата туруорбут убаһатын ыларга сертификат туттарылынна. Ону тэнэ хапсабай федерациятын аатыттан **Дархан Игнатъевка** 50 тыһ. солк. бэрилиннэ.

Прокопий Титович Брызгаев аймахтара олохтообут харчынан бириистэрэ сэрэбидьэһи түмүгэр Мырыла бөжөһө **Петр Соловьевка** ананна. “Далбар” маһаһын (урбаанһыт Евгений Чичигинаров) харчынан бириини **Быйан Быйамаанга** туттарда.

Икки күннээх күүрээннээх күрээби дуоһуйа көрдүбүт, астынныбыт.

**Алексей СЛЕПЦОВ. Семен ЖЕНДРИНСКЭЙ хаартыскаҕа түһэриитэ. Чурапчы.**

сонуннар ситимнэрэ

### Арыяан Тютрин кыайыыта

Беларусь Республикатын киин куоратыгар Минскэйгэ көнүл тустууга үс төгүллээх олимпийскай чемпион Александр Медведь кэриэһигэр норуоттар икки ардыларынаағы турнир ытылынна.



Манна саха тустууга кыһатын иитиллээччи-

тэ, билигин Беларусь чизин көмүскүүр Арыяан Тютрин 61 киилбэ быһаарыылаах хапсыһыга Рустам Жилисовы (Россия) 12:1 аһаанынан ыраастык кыайан, пьедестал үрдүкү үктэлигэр табыста. Оттон 57 кг ыйааһынна Федор Постников түһүлгэ боруонса мэтээлин иһин тустууга Махач Махмудовы (Россия) 10:0 аһаанынан баһыйа тутта.

Маны тэнэ Артём Слепцов (61 кг), Андрей Бекренев (65 кг) уонна Айсен Потапов (70 кг) бочуоттаах бэһис миэстэлэри ылылар.

### Сүүрэр суолга 2000 киһи табыста

Дьокуускайга, сыллата ытыллар Бүтүн Россиятаағы “Нациялар кросстара” күргүмүнэн сүүрүү буолла. Бу сырыыга тэрээһингэ икки тыһыынча киһи кытынна.



Кинилэр “Юность” стадионуттан Арктической университетка диэри 2 километр сири сүүрдүлэр. Манна сүүрүннэн спортсменнар, тэррилтэлэр үлэһиттэрэ, студенттар, сүүрүүнү таптааччылар көхтөөхтүк кытыннылар.

Санатан этгэххэ, чэгиэн-чэбдик олоххо тардыһар, бэйэлэрин доруобуйаларын сүүрүүнэн тупсарар дьон бу Бүтүн Россиятаағы тэрээһиннэрэ 2004 сылтан ытыллар.

### Субуотаҕа — ат сүүрдүүтэ

Балабан ыйын 28 күнүгэр Арктической университет ипподромугар Саха Республикатын Правительствотын уонна Тыа хаһаайыстыбатын министиэристибэтин бириистэригэр үгэскэ кубулуйбут ат сүүрдүүтэ ытыллыа.



1600 м дистанцияҕа икки саастаах ыраас хааннаах сылгылар илин-кэлин түсүһөхтэрэ. Тыа хаһаайыстыбатын министиэристибэтин бириинэ 2400 миэтэрэбэ, ыраас хааннаах сүүрүк сылгыларга ананьаҕа.

Ити курдук, эмиэ ыраас хааннаахтарга 3200 м дистанцияҕа анал сүүрдүү ытыллыа. Оттон СР Правительствота бэйэтин бириинин — саха сылгыларын сүүрүүлэригэр оонньоуоҕа.

Быйылгы сылга бүтэһик сүүрдүү, республикатаағы ат спордугар федерациятын көбүлээһининэн ытыллар.

Ол курдук, Степан Аржаков аатынан бириискэ,

“Дьулурун”.

манчаары оонньуутун көрсө

## Талах Бэргэн, Кэрэ Кытыл, Тоттооной тустарынан

Омук быһыытынан устуорт көрүннэрин көрдөрөр Манчаары Баһылай аатынан төрүт күрэхтэһиит 1968 сылтан тэриллэр. Эһиил Оонньуулар 22-с төгүлүн үгэс, кулгуура, духуобунас киининэн аатырар, олонхо үөскээбит түүлбэтинэн биллэр ытык Тааттаҕа ытыллыахтара.



Улуспутугар Оонньууларга аналлаах тэрээһиннэр, мунньахтар тиһигин быспакка ытыллыа тураллар. Улуустаагы норуот айымньытын дьэтин салыааччытыттан Гаврил Вьрдылтант үлэ хаамытын билистим.

— Гаврил Гаврильевич, устуорду кытта кулгуура тэрээһиннэрэ сэргэстэһэ ытыллаллар. Бу оонньууларга бастагы хардыһынан туох үлэ ытылыһна?

— Хас биридии устуорт тэрээһинин аһыллыыта, сабыллыыта, хаамыта кулгуура үлэһиттэрин тэрийиһиринэн ытыллар. Манна сөптөөх хамыһыһа тэриллэр. Сыл уста-та туох үлэ ытыллара чопчу-

ланар. Биһир сүүрүн уонна бастагы бырайыакпытынан «Манчаары оонньууларын» ымыыларын онорууга, талыыга күрэхти биллэриит буолар. Күрэхкэ барыта 16 киһи кыттыбыта. Ааспыт сыл бүтүүтэ улуспут баһылыга Айаал Бурцев кыттыылаах, баһылыгы бастагы солбуйааччы Руслан Захаров бэрэссэдээтэллээх, нэһилиэк баһылыга Егор Павлов, үөрэх салаатыттан Зинаида Охлопкова, устуорт салаатыттан Айтал Алексеев, «Роспотребнадзор» Тааттаҕаҕа салаатын салайааччыта Елена Тарасова, култуураттан Марианна Степанова кыттыылаах, анал ирдэбиллэргэ олобуран, Урук Илинни Федеральнай университет 3-с кур-

сун устууона Санаайа Доргуева ымыыларын талбыһыт. Онон Талах Бэргэн, Кэрэ Кытыл, Тоттооной оҕусчаан XXII «Манчаары оонньууларын» ымыылар буолан арыаллыахтара, кыайыыга сирдихтэрэ.

— Ымыы сүүрүн ирдэбилэ?  
— Ымыы устуорт түһүлгэтэ ытыллыахха сири-уотун көрдөрүүхтээх. Хас биридии ымыы өнүн дьүөрэлэһиитигэр, оһуоругар, таатталы тыын, дойдубут дириг устуоруйата, номоххо олобурут чахчылар көстүүхтээхтэр. Ымыылар дьону-сэргэни бэйэлэригэр тардар, киһи дууһатын аһар остуоруйатыны быһыылаахтар-таһаалаахтар.

— Ымыылар ханна онһуулан кэллилэр?

— Оонньууларбыт аргыстарын «Офсет» рекламнай-издательскай киин онордо. Бу аныгылыы хайысхалаах тэрилтэ улахан хабааннаах үлэни ытыр. Саха сириг үрдүнэн биһир үрдүк хаачыстыбалаах өнөнү оноруу тэрилтэтэ буолар.

— Оттон кэмэйдэрэ төһөнүй?

— Маскоттар 3D хабаанынан онһуулан, Тоттооной оҕусчаан 2 м 90 см үрдүктээх, оттон Кэрэ Кытыл уонна Бэргэн үрдүктэрэ — 2 м 50 см. Сотору кэминэн улуустаагы Норуот айымньытын киинин исписэлиһтэрин көмөтүнэн туруорулуохтара.

— Ороскуоту ким уйуһна?

— Бу улахан, Саха сириг олохтоохторо бүтүүнэ кэтэхэр оонньууларын тэрээһинэ элбэх үбү эрийэр. Улуспут иһинэн «Манчаары оонньууларын» тэрийиитэ, ытыыга аналлаах пуонда үлэһир. Пуондабыт үбүтүн бородукоулланан бастагынан ымыыларга ороскуоттанна. Түгэнинэн туһанан, оонньууларбыт үрдүк таһымна ытыллалларыгар, пуонда ханатытын бука бары ойуһун, тэрийиһирин диэн биһир дойдулаахтарбын ытырабын.

Сэһэргэстэ Вера КАНАЕВА. Таатта.

улуустан сонун

## Роман Николаев аатынан сквер аһылыһна

Кырдыбаас Бүлүү куоратпыт 390 сылыгар сөп түбэһиннэрэн, анаан-минээн уолбут, Николайбыт, бырааппыт Роман Леонидович Николаев аатынан спортивнай былаһаакканы-сквери доботторо, аймахтара тутан бэлэх онордулар.



Биһиги уолбут бу Оруктаах эбэ кытыытыгар элбэхтик сүүрбүт-көппүт, көччүйбүт, күөлэһий сөтүөлэһит сирэ, онон бу суолталаах тутуу. Кыра эрдэһиттэн үгүс доботтордоох этэ, ханна да тийбитин иһин үөрэ-көтө көрсөллөрө. Устуорка кылгас да олоһу олордор кэксэ ситиһиһирдээбэ.

Роман Николаев — СӨ хапсаҕайга маастара, «Азия оҕолоро» оонньуу кыттыылааһа, М.Е. Николаев аатынан пуонда стипендиата, СӨ, Урук Илин, Арасыһыйа турнирдарын кыайыһылааһа, Бүлүү улуһун хас да сыл бастыг спортсмена. Кини Бүлүүтүн, академиятын аатын элбэхтик көңүл тустууга, хапсаҕайга, самбоҕа, боксаҕа көмүскээбитэ.

Суох буолбут тийэх күнүгэр өрөспүүбүлүкэбит араас улуустарыттан доботторо кэлэн кутурҕаммытын тэннэ үлэстибиттэрэ. Бу да сырыыга куорат кытыытыгар турар Оруктаах сиригэр доботторо, дьон-аймах бөбөтө тобуоруһа муһуннулар. Элбэх истин тыллары, ахтылары иһиттибит. Баара буол-

лар хайаан да үрдүк соллоох, дуоһунастаах, дьон туһугар олус кыһаллыа этэ диһиллэр. Бэл диэтэр, аҕамсыбыт дьон кэлэн кууһан туран уолбутугар, сизммитигэр кыһаллыах кэмнэригэр, үөрэхтэригэр да көмөлөспүтүн этиммиттэрэ, махтамыттар истииһэххэ олус долгутуулаах этэ.

Сквери тутуоһун диэн Ромкабыт оҕо сааһын добото, биһир дьибэҕэ ыаллы олоһу оҕобут, Бүлүү улуһун ытыкчаканар ыалын, СӨ физическэй кулгуураҕа уонна устуорка үтүөлээх үлэһитэ Николай Николаевич, СӨ доруобуйатын харыстабылын туйгуна Октябрина Андреевна Васильевтар тутуааччы идэлээх уоллара Владислав Николаевич буолар.

Бүлүү куоратын мээрэ Попов Я.А. сир анаан, тутууга көмөлөһөн, бу СК «Саха Билдинг» (ген. дириэктэрдэр Васильев В.Н., Прохоров И.Г.), ООО «Адем» (Григорьев А.А.), иһилээн-саҕалаан, үс тустуу маастара, тренерэ Соловьев Виктор Афанасьевич салайыытынан, Ромкабыт, биһиги үгүс доботторбут үбүнэн, техниканан хааччылан, эрдэ тутулан киһирдэ.

Бу сквер оҕо-аймах оонньуур, эдэр ыччат дьарыктанар, олохтоохтор сынньанар кэрэ миэстэлэрэ буолуо диэн дуоһуйан тарҕастыбыт.

Төрөппүттэрэ Леонид уонна Варвара НИКОЛАЕВТАР.

редакцияҕа сурук

## Еланкаҕа тхэквондо лаабырыгар

Атырдыах ыйын 5—17 күннэригэр Еланкаҕа өрөспүүбүлүкэтээҕи тхэквондо лаабырыгар сылдьан кэллим. Бу лаабырга араас улуустартан, Уус Алдантан, Хаҥаластан, Мииринэйтэн о.д.а. сирдэртэн оҕолор кэлбит этилэр.

Атырдыах ыйын 5 күнүгэр оҕолор бары, уопсайа 20 оҕо уонна 3 тренер, мунньустан үлэбитин, дьарыкпытын саҕалаабыһыт. Мин ийэм Ольга Гаврильевна бу лаабырга поварынан үлэһитэ. Биһигини сарсыарда 7:00 чааска уһугуннараллар. 7:15—8:15 ч. — сэрээккэ, 9:00 ч. — сарсыардаангы аһылык, онтон 10:30—12:30 ч. дьарык буолар этэ. Тренердэртит Самсонов Иван Александрович уонна Лукшин Вячеслав Валерьевич дьарыктаабыттар, эрчийбиттэрэ. Дьарык төһө да ыарахан буоллар, күүстээх, сымса буолар санааттан ыарахаттары тулуйан, туруулаһан, инним диэки баран иһэрим.

13:00 ч. эбиэттээн баран, 16:00 ч. диэри утууар, сынньанар этибит. 16:00 ч. түөттүүрдээн баран, киһээнни дьарыкка 18:30 ч. диэри тахсар этибит. Киһээнни дьарыкка хайаҕа баран 5—10 км сүүрэн тахсарбыт.

Киһэ 19:00 чааска киһээнни ас кэнниттэн бэйэбит дьарыктанабыт, эрчиллэбит. Ол быһыыгар футболлуур, доубаттыыр, саахыматтыыр, хаартылыыр этибит. 21:00 ч. иккис киһээнни аһылык буолара, онтон 22:00 ч. төлөпүөннэрибитин ылаһара.

Бу сылдьан мин Уус Алдан тренерин Сысолятин Захар Ивановичтыын билсибитим. Кини аламаҕай, элэккэй майгылаах уонна оҕолорго ба-



рыларыгар үчүгэй сыһыаннаах этэ. Бары уолаттар кинини убай оностон биһир дьибэҕэ олоһуһупт.

Атырдыах ыйын 16 күнүгэр, лаабырбыт бүтэһик күнүгэр, Улахан Аанна Айыы Уолун түмэлигэр бара сылдьы-

быһыт. Киһэ повардарбыт бырааһыннык остуолун тэрийбиттэрэ. Дискотека уонна «Королевская ночь» ытыллыбыта. Бу күн саамай умнуллубат күн буолбута. Сарсынныгыгар Покровскай куораттан салайааччылар кэлэн үлэһиттэргэ

махтал сурук туттарбыттар. Эбиэт кэннэ оҕолор бары быраһаайдаһан, дьибэтигэр тарҕастыбыт.

Бу курдук икки нэдиэлэ уста күннэҕи режими, бэрээдэги тутуһарга, эти-хааны эрчийэргэ, атын оҕолордуун алтыһарга үөрэннибит. Оҕолор майгыла, бэйэ-бэйэҕэ сыһыаннара үчүгэй этэ. Бу лаабырга мин спорду кытта доботтордо, дьону кытта кэпсэтэргэ үөрөнним. Ийэбэр миһигин бу лаабырга ытан спорка сыһарбытыгар улахан махталбын тиэрдэбин. Итиэннэ тренердэртэр Иван Александрович Самсоновка, Захар Иванович Сысолятинга уонна Вячеслав Валерьевич Лукшинга миһигин дьарыктаабыттарыгар уонна мин олоһуор умнуллубат үчүгэй лаабыры тэрийбиттэригэр махтанабын! Ити курдук, атырдыах ыйын күннэрин олус туһалаахтык атаардым.

Аман ЕРЕМЕЕВ, И.М. Яковлев аатынан Покровскай 1 N-дээх оскуолатын 9 «в» кылааһын үөрэнээччитэ.

манчаары ооньууларын көрсө

# Ытык Күөлгэ тэриллибит «Олонхо ооньууларын» төрүөттэрэ

Георгий Дмитриевич ахтыгыта суруй дин санаа сахпытыгар, өйдөһөн-өйөһөн үлэлээбит үөлээннээхпэр махтанан туран, элбэх түгэни санаан аһардым. Дьон көрүүтүгэр тахсыбыт түгээннэр үгүстэрэ сурукка-бичиккэ киирбиттэрэ, кэпсээн-ипсээн буолан тарҕаммытара да элбэх, ону хатылыы барбаппын.

Тааттаны кытта миингитимнээбит билсэр дьонум, атастарым, отут сыл доҕор онгостубут киһим Винокуров, кэлин Григорьев Гаврил Гаврильевич, кини кэргэнэ Катя, оҕолоро, аймахтара үтүө дьондор кэпсээннэригэр билэрин син үгүс. Кэпсэттэхпитинэ кэми билбэккэ аһарарбыт, балыктаахтыгына эбэбит бизэрэ өлгөм буолара, сугуннаахтыгына иһиппит бөдөн, миннигэс отонунан туола охсоро бэйэ-бэйэбитигэр сыһыаммытыттан, сирбитигэр-уопшутугар, эбэбитигэр аһаабыт аспытыттан бэрэс, үллэстэ сылдьарбытыттан тутулуктааҕа чопчу.

## Хапсаҕай өйдөөх, хапсаҕай тыллаах

Мин тус бэйэм санаабар, Таатта Ытык Күөлүгэр 1999 сыллааха ытыгылыбыт «Олонхо ооньуулар» дин күрөс түһүлгэтэ Саха төрүт ооньууларын тэрийиитэ биер бастыһынара дии саныбын. Таатта үтүө дьонугар-сэргэтигэр дириг ис махталбын бу суругунан тирээр таарыйа, Тааттаттан төрүттээх дьонум-сэргэм, саха итэҕэлин, үгэстэрин ыччаттарыгар инэрэргэ өйдөрүн-санааларын ууран туран үлэлээхтэрэ дин эрэнэрбин биллэрэбин. Бу Орто дойдуга туох барыта сиэмэттэн, силистэн, үнүгэстэн үөскээн, тыллан тахсарын кэриэтэ өбүгэлэрбит бэлэхтээн хаалларбыт киһини сайыннарар ньымалара сайдар аналлаабын быһааран көрөрбүн ылыныахыт дин эрэнэ саныбын.

Чита дин куоракка армия спорт ротатыгар сулууспалы сылдьан Тааттаттан төрүттээх Владимир Андросовы кытта тустууга дьарыктанан, кини айылҕаттан бэлэхтэппит искусство таһымыгар хамсанар алыбын билэн, онно умсугуйан саха төрүт ооньууларын, аны санаатахха, улууутугар буолбуппун.

Саха государственнай университеттар учууталынан үлэли сылдьан хапсаҕай бөлөһүөгүн ис өйдөбүлүн билээри Петр Еремеевич Алексеевы кытта кэпсэтэр, кини туттар албастарын көрдөһөн көрдөттөрөр эитим. Онтон хапсаҕай арыһар баҕам диригээн киирэн барбыта. Хабылыга, хаамыската, тутум эргирэр, атах ооньуута, мас тардыһыта, онтон да атын 40-ча араас көрүннэ дьарыга суох хапсаҕай арыллыбат эбит дин санаа киирэн дьарыгырбыт үтүө-мааны дьоммун бу ахтыбар ахтан аһарбатахпына алҕас буолуо. Владимир Николаевич Ефремовка, Андрей Иванович Донскойга, Дмитрий Яковлевич Федотовка, Иннокентий Ти-

хонович Васильевка, Николай Павлович Корякинна, Валерий Пантелеймонович Кочневка тус бэйэм махталым мунура суох. Ити Ытык кырдыаҕастарбын кытта алтыспыт түмүкпэр өбүгэлэрбит уол оҕону кыра эрдэбиттэн үлэбэ уһуйан, тылын-өһүн чабырҕахтатан сайыннарар, этин-сиинин хамсанынан дьарыктаан, сүрүн күүһүрдэн, хапсаҕай өйдөөх, хапсаҕай тыллаах, хапсаҕай хамсанылаах аҕа-ийэ ууһун, улуус, омок баһылыгын таһымыгар таһаараллар эбит. Дэлэбэ даҕаны өбүгэлэрбит «хап»-«сах»-«ай» дин чопчу тыллары холбоон бу сүүнэ тылы таһаарыахтара дуо. Ол ньыма кыргыз үйэтин саҕана алҕаһаабат хапсаҕай бөлөһүөгүн ыччат дьонно инэрэн саха омуга билиннэ диэри тыыннаах сылдьарын туоһунан буоларын өйдүүх кэриннээхпит.

Саха сиригэр күрөс түһүлгэтинэн дьону чэбдигирдэр кэмтигит салайааччыта Степан Спиридонович Татаринов ыгыран кэпсэппитигэр биһиги саха төрүт ооньууларын сайыннарар, аан дойдуга биллиэ этибит, японестар, кытайдар, кэрийдэр, эскимостар аан дойдуга уонтан тахса киһини сайыннарар ньымалара Олимпийскай ооньууларга тийэ тарҕанналар диибин. Киһим: «Дьэ ити этиилэргинэн норуот ооньууларыгар аналлаах улахан кэпсэтиит тэрийиэхэ. Уонна эн манна кэлэн мизэх бэрэссэдээтэл солбуйааччыта буол», — диэтэ. Оннук, 1990 сыл олунньу ыйыттан республикаҕа күрөс түһүлгэтин салайсар киһи буолан хааллым. Ити сыл алтынны 24-25 күннэригэр ол муннаахпытын тэрийдибит. Аны санаатахха, Саха сиригэр бастакы норуоттар икки ардыларынааҕы конференция буолбут эбит. Учонайдар, норуот үгэстэринэн дьарыгырар учууталлар Москвадан, Ленинградтан, Алма-Ататтан, Бишкектэн, Улан-Удэттэн, Уфаттан, Кызылтан, Бухараттан, Свердловскайтан, Омскайтан, Брестэн, республикабыт улуустарыттан эти-сиини чэбдигирдэр идэлээх дьон кэлэн кыттыбытара.

## Тилиннэри, чэбдигирди, бэйэни сайыннары

Аны ыччаты кытта үлэлиир кыһабынан, Аҕа баһылыкпыт Михаил Ефимович «бэйэбитин билиннэриэхтээхпит» дин дириг ис өйдөбүллээх тылын-өһүн ылынамын, хомсомуол үөһэттэн ыйынан-кэрдиинэн үлэлиир үлэтин испэр киллэр-



бэтэх эбиппин. Ыччаты кытта үлэлиир эйгэбэ санаа кымын саҕар баҕаттан 1993 сыл ыам ыйын 21 күнүттэн саҕалаан балажан ыйын орто-тугар диэри утуулар уум көтөн, аһыыр аһым амтанын да билбэт буола сылдьан ыччаттары кытта көрсө-кэпсэтэ дин Ытык Күөлгэ тийдим. Дьаһалта иннигэр баар гостиницаҕа хоно сытан сарсыарда 4 чаас саҕана били көрдүүр санаам толору тийэн кэллэ. Ойон туран суруммутом манньк таҕыста: «Тилиннэри, чэбдигирди, бэйэни сайыннары». Тилиннэрэрбит — итэҕэлбит, чэбдигирдэрбит — өйбүт-санаабыт, куппунт-сүрбүт, эппит-сииммит, бэйэбитин сайыннарар ньымабыт — үөрөх. Хас биридди омок Орто Дойдуга сылдьар кэмигэр итэҕэйэн эрэнэр эйгэтин билиитэ, күннээҕи түбүгэ, ырытан, ырангалаан олохун онгостон инники дьылҕатын хайынар өйдөбүллээҕэ, көрүүлээҕэ (мировоззрение) үгэстэринэн тэнийэн көлүөнэттэн көлүөнэҕэ бэйэлэн аҕа, ийэ уустарынан ууһаан-тэнийэн, сайдан, сомоһолоһон тыһын уатар төрүөт (менталитет) буолар эбит. Өбүгэлэрбит киирбэт күннээх сирин көрдүү сылдьан «Айыы» (Творение) дин итэҕэл ылынан, «Кут-Сүр» (Душа-Дух (аура) дин сырдык ыра санаалаах киһилии киһини иитэр үөрөх үөскэтэн кэскилбитин кэрэһэлээбиттэр. Аныгы тыһыс кэмгэ саха омок сайдар кэскилэ, саха былыргы өйдөбүлүгэр баар эбит дин санаан, ол итэҕэлбитин сөргүттүбүт. Аны төрдүн, иһин билэн тургутан тилиннэриэхтээх уонна турурудуохтаах эбиппит.

Итэҕэлбит тутула «халлааннар хагыгастарыттан» айыллан, киһи, үүнээйи үөһэ дьулуһар аналыгар олобуран, эмиэ тобус таһымнаах толору оһоһуулаах эбит.

Айыыныт киһини үөскэтэр баҕаны айар, Ийиэхсит айылҕаны кытта дьүөрэлээр

үөрэнэ сылдьан, араас омок уолаттарын кытта ону-маны бары кэпсэтэрбит, идэбит туһунан санаа атаһаһарбыт. Онно сылдьан «Спартакиада» дин тылы ким үөскэппитин билбитим. Ленин XX үйэ саҕатыгар сана былааһы олохтууругар дьаданы дьону бэйэтигэр тардаары, Спартак дин кулут былааһы утары баран бастаанна тэрийбитин сотору-сотору этиитигэр киллэрэн улуутугар эбит. Аны бу Спартак туох да сыла-соруга суох бастаанна хотторон, дьон бөһөнү суорума суолаабыт. Саха сирин правительствотын иһинэн үлэлиир министир солотун ылан баран, ити тыл билинни кэмгэ хайдах да биһиги аныгы олохпугар сөп түбэспэт эбит дин санаан, уларытарга турруммутом. Ити тыл баара-суоҕа сүүсчэкэ эрэ сыл биһиги олохпугар киирдэҕэ дии. Аны хайдах бу саха дьонно хайа эрэ атын омок олоҕор

«Тилиннэрэрбит — итэҕэлбит, чэбдигирдэрбит — өйбүт-санаабыт, куппунт-сүрбүт, эппит-сииммит, бэйэбитин сайыннарар ньымабыт — үөрөх.

баҕаны айар, Дьөһөгөй күүһү-күдэҕи түмэр баҕаны айар, Хотой Айыы баһыйар хаан анал баҕатын айар, Улуу Суорун идэни баһылыр баҕаны айар, Аан Дьааһын салгыы аһарар-аһарбат дьаһал баҕатын айар, Билгэ, Танҕа, Дьылҕа билгэлиир, таайар, танар, ыйаах суруйар анал баҕатын айаллар, Одун, Чыныс ситэрэн-хоторон өй анал баҕатын айаллар. Үрүн Айыы Тойон, Аар Айыы Тойон Танара Аан дойдуга тутулун айан дьонно-сэргэҕэ холобур буолар аналлаахтарын сиргэ тирдэр баҕалаах. Айыы итэҕэлин үс таһыман ааһыт киһи олохун онгостор кыахтанар, бизэ таһымы ылбыт киһи удуурун утумун ууһатар, сэттэ таһымы ыллахына ыччатын тэнийэн кэлэр кэскилэ кэрэһэлэнэр, тобус толору таһымы биллэххинэ, Айылҕа айыллыбыт сырдык ыра санаатын инэрэн саҕар, айар, дьайар кыахтанан «Күн киһитэ» ааты ылан уос номоһор киирэн сүппэт үйэлэнэбин. Күрөс түһүлгэтэ сүрү күүһүрдэн күһэйэр күһүнү, кыһарыйар кыһыны кыайан тыыннаах халан ситиһини кэрэһэлиирин өбүгэлэрбит бэлиэтээн бэлэмнээн бизэрбиттэр. Дьэ, хайа татым билилээх, кылгас санаалаах ити бэлэҕи омок кулутун аагыгар-суолугар киллэрэн соппута буолуой дин хомолтобун эрэ тирдэрбит тийэбин.

## «Олонхо ооньууларын» төрдө-төбөтө

Күрэхтэһиилэрбит бары «спартакиада» дин ааттаахтара чаччы өбүгэлэрин үгэстэрин умнан муммут, буккуллубут, ээх хоту сылдьар маргиналарга тэннээх майгы. Аспирантураҕа

буолбут түбэлтэни үйэтитэ саҕаан, бэйэбит куоластаан таһаарбыт былааспыт салайааччытын Михаил Ефимович Николаевы утарыахтаахпытыт?

Күрөс түһүлгэтинэн Аан дойдуга таһыман ылбыт 150-ча чулуу ыччаттардаах сылдьан атын омок кулутун улуутугарбыт олуона. Майаҕа буолбут Манчаары бириһин ооньууларын кэмгэр саха барыта билэр тустууга Юрий Степанович Андреев «Саха национальной ооньууларын Олонхо ооньуулар» дин ааттаабын диэбитин сүрэхпинэн-быарбынан ылыммытым. Чаччы даҕаны өбүгэлэрбит кыргыз үйэтигэр ыччаттарын сэрииттэн харыстаан, төрүттэрин олонхоругар олобуран, боотурдары итэр мындыр ньымалары тобулан тыыннаах халлаахтара. Сүрдээх дириг ис хоһоонноох өй сүмэтэ олонхобут ЮНЕСКО номинациятыгар киирэр бастакы хардытын күрөс түһүлгэтин дьонно сахпыттар эбит дин саныбын. Ол курдук, эмиэ спартакиада дин тылы утаран, Аҕа баһылыкпытыттан көнүлүттэн, республика күрэһин түһүлгэтин «Первые спортивные игры народов Якутии» дин ааттанан, Бороһонно, биер эмиэ ис-испиттэн үөрэ көрсөр киһибинэн, улуус баһылыга Афанасий Васильевич Мигалкины кытта тэрийбиппит. Ити тыл Саха сирин омоктарын түмэрдэн, уон тыһыынча киһи кэлэн кыттыбыта, ыалдыттаабыта, хоһоһолообута саныахха астык. Туох барыта этиллэр тыл соруугуттан тутуллан дьонно-сэргэҕэ тийимтиэтин өйдүүх кэриннээхпит.

(Салгытынан 18 с. көр)



манчаары оонньууларын көрсө

# Ытык Күөлгэ тэриллибит «Олонхо оонньууларын» төрүөттэрэ

(Инникитин 17 с. көр)

Бастакы «Олонхо оонньууларын» Юрий Степанович Андреевка махтанан, 1997 сыл бэс ыйын 25–27 күннэригэр Ньурбаҕа тэрийэн ыһыппыт. Ити Оонньууларга бастакы таас стадиону тыа сиригэр туттараары, улуус баһылыга Варвара Андреевна Петрова көмөтүнэн пааркаҕа сыбаайа түһэттэриппит. Стадиону туттарар үбү-харчыны бюджет барылыгар киллэттэрээри, Михаил Ефимовичтын хаста да кэпсэппитим. Киним хара баҕайы чэрэниилээх уруучукатынан ол үп суруллубут пуунун көрөн олодохпуна туора сотон хомопута. Ол саҕана үп-харчы суоҕа төрүөт буолбута чопчу. Алгыс суолтатын сана билэн эрэр кэммит этэ. Владимир Алексеевич Кондакову Ньурбаҕа тийэн оонньуубутун алҕаа диэбиппин, «Онно улахан дьон сыталлар, миигин киллэриэхтэрэ суоҕа. Олохтоох киһи алгыһаах» дии эппитэ оруннаах дии саныбын. Тэрийэр бөлөх муньабын кэнниттэн хаста да Варвара Андреевнатан алгыс аныыр ичээн киһини көрдөспүпүн ылымматаҕа, артыыска алҕаттарбыта. Ол түмүгэр буолуо бука, үс түүннэх күн курулса ардах түһэн, сорох көрүнгүрү дьыи иһигэр ыытарга күһэллэбиппит.

## Володя Андреев сүрдүк кэриэһигэр

Иккис 1999 сыллааҕы «Олонхо оонньууларын» Таатта Ытык Күөлүгэр ыытар санааны дьоммор эппиппин ылыммытара. Дьин иһигэр кирийдэххэ, мизэхэ саха хапсаҕайын билиһиннэрбит атаспар Володя Андреев сүрдүк кэриэһигэр, саха ыччатын кытта үлэлиир

эркээйини арыян бэлэхтэбит Ытык Күөл сиригэр иччилэригэр, кини сиригэр-уотугар түһэр сүрдүк сарданаларга махталым бэлиэтэ буоларын, 25 сыл ааспытынан кэннэ билиним.

Бырабытталыстыба салайааччыта Василий Михайлович Власов илии багтааһыннаах Манчаары Баһылай бириһигэр Олонхо оонньууларга Ытык Күөл сиригэр бэс ыйын 25–27 күннэригэр тэриллибиттэрэ. Оонньуулар программаларыгар оҕолору кытыннарбыппыт ырааҕы көрөр кыһалааҕа. Ыччат дьон убайдарыттан, эдьийдэригэр холубур ылан, хааннарыгар баар үгэстэрин түргэнник тилиннэрэн сайдыа этилэр диин өйдөбүллээх этэ. Улуустартан, куораттартан, тэрилтэлэртэн 39 хамаанда 1100 эдэр дьону аҕалан оонньууларга кытыннарбыттар, улуус дьаһалтатын быһа холуйан аабытынан 25 тыһыынча киһи кэлбитэ Олонхо оонньууларын сүдү түһүлгүгэ кубулуһунта. Оонньууну тэрийэр бөлөх салайааччытынан бастаан Семен Николаевич Назаров, кини Ис дьыала министиригинэн аномытыгар Екатерина Сидорова Васильева салҕаан ыһыпта. Ол саҕана үлэлээбит Таатта улуунун баһылыга Никонев Георгий Дмитриевич чачы саха саналы сайдан эрэр санаатын өйдөөбүт, Саха сиригэр сана санааны саҕар кыабын ылбыт, үлэлээн-хамнаан, бэйэ өйүнэн санаатынан эргинэн үп-харчы киллэрэн дьонун-сэргэтин олохун тупсарар баҕалабын билбитим. Кинини кытта өйдөһөн-өйөһөн, сүбэлэһэн-амалаһан үлэлээбиппит.

## Олохсуйбут үгэстэн сийтэртэн

Ытык Күөл Оонньууларын

тэрийэ сылдьан таатталар хорттон хааннаахтарын уонна хос өйдөөхтөрүн билбитим. Хос өй кэтэх өй буолбатах, кэлбит-барбыт дьон тугу этэллэрин тутта ылынан испэт, ырытан, ыараннатан, туһалаабын билэн эрэр баран ылынар өй. Тугу эмит сананы эттэххэ, таатталар «биһиги былыргыбыт оннук этэ, аныгыбыт манник, эн этэргин олохсуйбут үгэспиттэргин сийтэртэн ылынарбыт саарбах» дииллэр. Аны «Оруос баай» диин баһылыктана сылдыбыттар, ол киһи Дьокуускай куоракка кириэн буруйданан көһүүгэ кэлбит дьон остуоруйаларын жандарман ылан көрөр эбит. Үтүө төрүттүрдэх, үөрэхтээх, дьон олохун тупсарар баҕатын толорон политикаҕа хаарыллан буруйдамыт дьону ыныран таһааран оскуола тэрийэн, үлэлэтэн саха сүрдүк ыра санаалаах дьонун үөскэппит өгөлөөх эбит. Сэбиэттэр былаастара кириэн иннинэ Таатта 200 баай баар эбитин, сир түүнүгэ Егор Дмитриевич Андреев диин 82 саастаах оҕонньор кэпсэбитэ. Ол төрүөтэ Таатта үрэх хоннобор-быттыгар сэбирдэхтээх ол миннигэһиттэн сүөһү этэ тупсарынан быһаарар. Куорат дьонун ол эти хамаатык ылар буоланнар, таатталар байыттар. Атын улуустарга оччо баай үөскүү сылдыбытын истэ иликпин.

Муньааха оҕонньоттор «биһиги үрүн оҕуһу өрө тутуу, онон былааха аттаах киһини буолбакка, оҕус миимит киһини ойуулоохха», «Таатта Олонхотун оонньууларга диин ааттыахха» диин этии киллэрэллэр. Ол оҕустарын оонньуу бэлиэтигэр киллэрбиттэрэ уонна оҕуһу миимит уолу стадионга хаамтаран көрдөрбүттэрэ. Георгий Дмитриевичтан ичээн киһини көрдөһөн күрээспит

түһүлгүгэ аһыллыан биер күн иннинэ күн оройун саҕана иккиз буолан тийэн сана тутуллубут стадион иһигэр алгыс эттэрдим. Олонхоһут Петр Егорович Решетников баай тылын-өһүн киллэрэн айыыларын кытта кэпсэппитэ, бэйэтэ таайыллыбат таабырын. Алгыспыт тийэн үс түүннэх күн Айылҕабыт барархан баҕа санаабытын толорон күнүс былыта суох уу чумпу турар, түүн былы хаптан кыратык ардаан ылан абыраабыта. Улуустартан оонньууга кытта кэлэр күрээс түһүлгүтүн дьонугар анаан таатталар, тутуу министирэ Юрий Николаевич Буслаев көмөтүнэн, дэриэбинэ туһулуур республика иһигэр ыытыллар оонньууларга сана дьаһал этэ.

Стадионмут тутуллубутун билэ-көрө сарсыарда 4 часка тийдим, үс тыһыынча киһи олохтор сирэ бэлэммиттэн астыным. Таарыйа Хадаайы сиригэр көрө аһары бардым. Дал аанын аһары, аттыбыттан эрдээс көтөн табыста. Тыһый, айылҕабыт барархан дьон тоҕуоруһар сиригэр байын көрдөрдөҕө үчүгэйдэн диин сүргэм көтөбүлүннэ. Суорун Омоллоон хаама сылдыарын көрсөн, дьэтигэр кириэн, Ытык кырдыаһаһытын кытта сээрэгэһэ түстүм. «Чөл олоху көбүлээбиккин хайгыбын» диин өссө хайҕал тылын истэн дуоһуйан Оонньуубут санаа хоту барыһы диин эрэл кыыма сабыллыбыта. Оннук да буолбута, Саха сиригэр бары улуустара, куораттара биер кестүүлээх сана танас тиктэрин, баһылыктара сахалыы танастаах кэлбиттэрэ астык этэ. Күрээс түһүлгүтүн сүрүннүүр судьуйаларбыт Готовцев Проккопий Прокопьевич салайааччылаах энкилэ суох үлэлээн мөккүөрү таһаарбатахтара Оон-

ньууларбыт киһилии быһыыга-майгыга ытыллыбыттарын туоһулуур.

Аҕа Баһылыкпыт, Бырабытталыстыбабыт салайааччыта, кини солбуйааччылар, министирдэр тийэн таһым үрдүгүн тоһоҕолообуттара. Михаил Ефимович Тааттаҕа сылдыарын, кулууп дьэтигин толору олохтор дьонун кытта ык-саабакка атах тэпсэн олохтон сээрэгэһэрин сөбүлүүр этэ. Оҕонньоттор, эмээхситтэр «кырдык даҕаны, сөпкө этэр, оннук» диин олохторуттан турбакка ботугураан кэпсэтэ олороочулар. Бу да сырыыга Михаил Ефимович тыл этииттэр дээр ыччаты «боотурдар» диин ааттаан туран омок көмүскэлин тутулун тоһоҕолоон «эт-хаан», «өй-санаа» өттүнэн сайыннарар ыйаахтарын ыйан саха кэлэр үйүгэ сайдар кэскилин кэрэһэлиир соругун бэлиэтээн эппитэ, республикатын дьонун өйүгэр-санаатыгар хааллаҕа.

Ытык Күөл ыалдытымсах дьонун уонтан тахсалыы дьонун хоннорон, саха аһылыгынан хатаҕалаан амсатан-аһатан таарыбыттар. Дьэилээх киһи күнүс үлэтигэр эбиэтти кэлбитин билбөккэ ыалдытыттар: «Кэл, манна олох, остуол баһыгар мизэтэ суох, хайа дойдуттан сылдыабын?», — диин кэпсэппиттэрэ көр көбүлээһинин курдук үөрэр уос номоҕор кубулуйан билигин да сээрэгэһэ сылдыар. Уос номоҕо төһө да күлүүлээҕин иһин астыныттан, сүрдүк ыра санааттан үөскүүрүн тоһоҕолоон, Таатта дьонугар махтанан сурукпун түмүктүүм.

**Виктор НОГОВИЦЫН,**  
25 сыл анараа өттүгэр эти-сиини чабдигирдэр күрээс түһүлгүтүн тэрийэр салайааччы.

көнүл тустуу

## Федерация сана састааба талылынна

Дьокуускай куорат спортивнай тустууга федерациятын отчуоттуур-быыбардыыр конференцията ыытылынна.

Кириин тылга федерация салайааччытын бастакы солбуйааччы **Проккопий Семенович Иванов** бу общественнай тэрилтэ ыытан кэлбит үлэтин билиһиннэрдэ итиэннэ киин куоракка көнүл тустуу салгыы сайдытыгар инники сорукутары туруорда.

Ол кэнниттэн санаа атастаһыта буолла. Федерация сана састааба талылынна. Ол курдук, Дьокуускай куорат спортивнай тустууга федерациятын салайааччытынан «Строительнай» атыы-эргин киинин генеральной дириэктэрин көмөлөһөөчүтэ, ССРС спордун мааста-

ра **Николай Константинович Адушинов** биер санаанан талылынна.

Федерация бэрэссэдээтэлин бастакы солбуйааччынан **Проккопий Семенович Иванов** буолла. Оттон «Строительнай» атыы-эргин киинин генеральной дириэктэре **Иван Иванович Данилов, Руслан Михайлович Платонов, Дмитрий Афанасьевич Егоров** — бэрэссэдээтэли солбуйааччыларынан, **В.П. Керемясов** аатынан куорат 3 №-дээх спортивнай оскуолатын дириэктэрин солбуйааччы **Вячеслав Александрович Кривошапкин** федерация толорооччу дириэктэринэн, **В.П. Керемясов** аатынан Дьокуускай 3 №-дээх спортивнай оскуолатын дириэктэре **Василий Васильевич Уйгуров** федерация эппиттээх секретарынан талылыннар.

Отчуоттуур-быыбардыыр конференция үлэтин түмүгүнэн



Дьокуускай куорат спортивнай тустууга федерациятын чилиэннэринэн буоллулар: **В.П. Керемясов** аатынан куорат 3 №-дээх спортивнай оскуолатын дириэктэрин солбуйааччы **Николай Петрович Иванов**, СР Спорка бэлэмнэни киинин дириэктэре **Михаил Дмитриевич**

**Пахомов**, Тулагы Киллэм нэһилиэгин баһылыга **Егор Гаврильевич Попов**, «Аэропорты Севера» ФКП Маҕаннааҕы пордун филиалыгар административнай хаһаайыстыбаннай отдел начаалынньыга **Анатолий Егорович Мурунов**, Дьокуускай куорат көнүл тустууга ха-

маандатын сүрүннүүр тренерэ **Будимир Григорьевич Яковлев**, Дьокуускай куорат хапсаҕайга хамаандатын сүрүннүүр тренерэ **Станислав Егорович Афанасьев**, **В.П. Керемясов** аатынан куорат 3 №-дээх спортивнай оскуолатын тренерэ **Степан Семенович Соркомов**, индивидуальной предпринимателлэр: **Владислав Васильевич Петров, Макар Николаевич Зырянов, Ян Владимирович Емельянов, Алексей Алексеевич Филиппов**.

Манна даҕатан эттэххэ, Дьокуускай 3 №-дээх спортивнай оскуолатын нитиллээччилэрэ **В.В. Петров, М.Н. Зырянов, Я.В. Емельянов** урукку да өттүгэр куорат тустуугар көмөлөһөр этилэр, бу сырыыга киһилэр күөс-көмө буолар кэммит кэллэ диин бэйэлэринэн федерация састаабыгар кирибиттэрэ уонна өйбүл буоларга бэлэмнэрин биллэрбиттэрэ кэрэхсэбиллээх.

Саҕа састаапка ситиһиллээх, таһаарылаах үлэни баҕарабыт!

Дьулурҕан.